

BOSNA I HERCEGOVINA
FEDERACIJA BOSNE I HERCEGOVINE
JU "KANTONALNI CENTAR ZA SOCIJALNI RAD"
SLUŽBA SOCIJALNE ZAŠTITE OPĆINE VOGOŠĆA
VOGOŠĆA, Omladinska br.41.

Broj: 31-08/02-530-165/26

Datum: 17.02.2026. godine

OPĆINA VOGOŠĆA

Služba za boračko-invalidsku i socijalnu zaštitu

PREDMET: Obavijest

VEZA: Vaš broj: 09-int-23/26 od 03.02.2025.godine

Vezano za vaš dopis broj i datum gornji, koji je ovoj Službi dostavljen dana 10.02.2026. godine obavještavamo vas da je ova Služba u skladu sa pozitivnim zakonskim propisima poduzimala sve mjere i aktivnosti iz svoje nadležnosti u cilju zaštite i pomoći navedenom licu.

Ono što je važno napomenuti da je ova Služba u protekle dvije i više decenije kontinuirano radila sa porodicom imenovanog pa i sa samim imenovanim kroz različite oblike pomoći i podrške i to u saradnji sa drugim institucijama (Dom zdravlja, Policijska uprava Vogošća, Općinski sud u Sarajevu, Tužilaštvo Kantona Sarajevo, Općina Vogošća, Kazneno popravni zavodi, Sigurna kuća, Crveni križ Vogošća, ustanove socijalne zaštite i dr.), a posebno na zaštiti žrtava porodičnog nasilja.

Ova Služba kao organ starateljstva poduzima mjere zaštite lica u stanju socijalne potrebe u skladu sa pozitivnim zakonskim propisima i u zavisnosti od stručne procjene pruža potrebne vidove pomoći navedenim licima i uključuje i druge institucije.

Kada je riječ o licu koje vi opisujete u svom dopisu, obavještavamo vas da je navedeno lice uvijek odbijalo saradnju sa ovom Službom, kao i svaki vid pomoći, pa i pomoć u regulisanju ličnih dokumentata čak i onda kada je upozoreno od strane nadležnih institucija (sud,policija). Isti je sarađivao i dolazio u prostorije ove Službe samo kada je to za njega bilo nužno u predmetima porodičnog nasilja, kao i svaki vid razgovora na terenu prilikom posjeta porodici.

Lice kome nije oduzeta poslovna sposobnost ima pravo da odbije pomoć ili uslugu koja mu se nudi, a dužnost stručnih lica organa starateljstva je da istog informišu o pravima, mogućim posljedicama i dostupnim oblicima podrške, što je u slučaju lica koje vi opisujete urađeno bezbroj puta, posebno nakon izlaska sa izdržavanja kazni zatvora.

Ova Služba je krajem decembra mjeseca prošle godine zaprimila informaciju o poduzetim radnjama Centra za mentalno zdravlje Vogošća kada nas informišu da je lice DŽ.A. iz Vogošće odbilo pomoć koja mu je ponuđena, te da će sam zatražiti pomoć ukoliko mu ponuđeno bude potrebno.

U januaru mjesecu u prostorijama ove Službe obavljen je razgovor sa DŽ.A. i imenovani je upoznat tj. informisan o svim pravima koja može ostvariti putem ove Službe pa i pravo smještaja u neku od ustanova socijalne zaštite, uz napomenu da će ova Služba službenim putem zatražiti svu neophodnu dokumentaciju, međutim isti je kategorično sve odbio jer smatra da njemu nije potrebna pomoć društvene zajednice već da to žele njegove komšije sa kojima je i bio u pratnji. O navedenom se nije želio pismeno izjasniti, već samo usmeno, tako da ova Služba ne može poduzimati bilo kakve radnje u zaštiti lica u stanju socijalne potrebe bez lične saglasnosti i pristanka.

Imenovani je informisan da se uvijek može obratiti ovoj Službi za pomoć ukoliko to želi.
Vašoj Službi dostavljena je informacija o poduzetim radnjama.

Naprijed navedeno vam dostavljamo na vaše traženje i poduzimanje daljih radnji iz vaše nadležnosti.

S poštovanjem,

Pripremila: Amira Kabilović dipl.scr



Dostaviti:

- naslovu
- dosije